

瓠北詩鈔

一
函
十
冊

甌北詩鈔七言律七

陽湖 趙翼 雲松

接同年陳蘭江書知其官金華教授喜而有寄

淮館聯牀兩月同

曾同客淮開
權使寅公幕

而今二十四春風書來別

雨離雲後官在青山綠水中歌袴尙傳秦百二

君昔宰寶
雞改就教

職詩筒好遞浙西東開緘先喜音塵接已抵論心剪燭

紅

劉石菴相公因繼母太夫人就養在家孫少宰公

江南試院壽屆九十奏蒙

恩命南來慶親公年亦八十五矣稱觴盛事從古未有

余以門下士敬隨叩賀歡忭難名恭紀三律

南國秋風穠稔香相公請假壽護堂絳騶不遠三千里

皓首親擎九十觴龍衮朝衣供綵服鸞回綸誥賁奎

章江城況是曾臨駐

公前視學江南

四代今增樂未央

少宰已有子將冠

壽筵盛事艷朝紳耆輔承恩許省親接武

兩朝賢宰相疏封一品太夫人新筭正熟南蘭酒文錦

兼頒內府珍縱是家風慣清儉也應璫管慶長春

再世調元佐郅隆更餘書翰壓羣雄

公書法爲天下第一

韋平有傳

難專美絳灌無文敢媿功久別豈期迎畫鷁舊情猶荷

問雕蟲剩誇年少依劉日伴食曾陪兩相公

余在客公家文正師方官總憲

公亦爲孝廉每日皆三人共飯不另設餐也

石菴還朝口占送別

白頭猶著老萊衣假滿還朝四牡駢來爲稱觴增燕喜
去歌遵渚羨鴻飛送公千里終須別剩我孤舟獨自歸
誼是故交年大耋臨分那不倍依依

壽劉可行舅兄八十

歸然者宿魯靈光宦績文名少輩行夜月琴聲單父宰
春風帶草鄭公鄉一門子弟親陶鑄三世文詞力表彰

刻劉氏一家
支稿行世

要識老儒榮暮景添丁樂事助稱觴

新添
一孫

仕宦歸同理舊下黑頭昇弟兩皤然每欣求仲來荒徑

還仗殷兄衞少年

張丈殷兄見香山詩君長余二歲

剪燭深談三鼓後扶筇

緩步百花前往來一老風流在剩與人間說散仙

聞汪時齋總憲蒙

恩以二品歸老感賦

霜威烏府肅行騶直木風多易感秋朝議自嚴賢者責
帝心終眷世臣優七旬老恰初衣遂二品歸仍晝錦遊
白嶽黃山相待久籃輿探勝亦風流

巢痕回首綠楊灣燈火書堂課晏閒

公從余受業常在澄懷園

卅載寒暄

雖久別兩家痛癢最相關寢邱田豈供千指奉禮廳猶

僻萬山

公家在休寧萬山中

千日愛臨顏氏帖也書乞米落人間

錢竹汀宮詹輓詩

蓬瀛仙馭杳難攀
官本清華館閣班
生死不離文字裏
聲名早在斗山間
縹緲麗製傳中禁
碑版雄詞到百蠻
畧似春蠶絲吐盡
化飛蛾去脫塵寰

歷朝記載萬牛毛
同異紛如費剔搔
十七史從何處說

一家言已等身高

看著廿二史
考異最精核

有疑好就靈犀照
不朽何

須汗馬勞直自深
寧王叟後又添困
學析秋毫

庚年同譜幾人留
百里相望兩白頭
君去更無人可語
我來應有伴同遊
後身定識仍金粟
前路先看赴玉樓
一笑吾曹論壽命
短長不在幾春秋

戲作

九尺曹交自覺長盡傾一座氣飛揚
螭蛄安見青松老
魑魅終消日日光麟閣畫圖功不朽
雞林詩句價爭償
曠觀自有無窮在汲汲何須蟻撼牀

李白詩螭蛄啼青
松安見此樹老

李雨村觀察輓詩

久不接雨村書心竊憂疑蔣于野自京回曾晤
其弟編修君鼎元知已下世驚悼之餘以詩當

哭

綿陽音斷渺烟雲得信俄驚宿草墳斯世幾人真愛我
老年同輩又亡君和凝板散千家集文節樓傷萬卷焚

君搜刻說部數百種名曰函海又選近人詩作詩話十六卷家有萬卷樓貯書畫鐘鼎器煨於火

應名掌紫臺文

見漢武外傳

奇士人間留不住故

每逢書到帳睽離今并音書不可期萬里難爲徐穉弔

一編重檢蜀州詩

少陵有檢得高蜀州遺詩

竟來夢裏人猶舊名在陽

間鬼豈知八表停雲空目極更從何處寄相思

戲簡稚存

青鞵布韉過從頻一道橫街作近鄰我已年來都散漢
君真天上謫仙人詩纔起我先邀和謔到交鋒不避嗔
如此清歡俱暮景也應俗煞軟紅塵

示兒孫

風貌居然玉樹枝未遑講道且修詞要無一字無來處
但有三人有我師祖父聲光安可恃衣冠門戶倍難支
罌猶餘粟囊餘帛不惜分陰待幾時

教場壩懷故將白秋齋同年

君庚午武鄉試與余同年官至
副將有賢聲實爲常州遊擊教

場壩其演

武堂也

長身玉立好黃眉威令羣推節制師可惜將兵程不識
誰爲薦士魏無知老猶射虎千鈞力生未圖麟兩髯絲
今日經過教場壩春風楊柳想旌旗

石菴相公輓詩

纔送還朝數月前俄驚仙馭大羅天向愁久別難重

見豈意相逢遽永捐黃閣調元榮再世青燈談藝記當年
翻思昨歲南來日天子吾曹一面緣

貞白汾陽陸放翁壽俱八十五纔終高名已屬三君子
大耋今添一相公勲業不妨文敵武神仙皆到老還童
卽論落紙烟雲妙也抵山陰萬首工

我與公交跡最陳秀才時已客平津

余初入京文正師卽延入邸第

分岐雖

隔青雲路闊世同爲白髮人楹帖一聯成絕筆書籤十

冊枉隨輪

公臨行爲余書楹帖并索拙著攜去

始知老健原難恃只在斯須臂

屈伸

楹帖十八字務觀萬篇半皆歸里作啓期三樂全是達生旨益絕筆也

哭劉可行舅兄

松筠方喜景長春何意康強遽飾巾名行已歸耆舊傳
親知其惜老成人無嗜好惟耽學家本清寒尚卹貧
欲識蓋棺公論定淳風其說葛天民

生平執友本無多况復相隨到髡皤尚疑泛舟偕襲美

已辭拆簡召閻羅

君自言三年前夢閻羅有詩詈到以編刻家集未成辭不起

又心積習原成

癖語通靈轉似魔從此故人都哭盡爲君拚竭淚湧

沲

王惺園相公輓詩

鼇頂科名位秉鈞何期致政遽歸真素風到老如寒士

公論同聲說正人解綬前席寵懸弧

帝錫尚方珍歸田仍歿長安道遙識心猶戀

紫宸

公已致仕歸里因八十壽辰上
龍錫優厚來京謝恩遂歿于京

曲江賜宴共恩榮中外分歧遂判程我慕千秋勤著述
公登一品佐昇平特邀

王眷原奇遇難得官高尚令名一甲三人兩徂謝此身

雖在也堪驚

楊眼胡豫堂官至
總憲已先下世

常州東門外天寧寺最崇敬殿宇百畝僧徒常數
千指江南一大叢林也顧未有詠之者僧了月
修造工竣詩以落之

祇洹樓殿映霞丹江北江南一刹竿千載不遭兵火厄

半空直接斗星寒鳴鐘聲集齋堂飯汲綆痕深石井欄
代有名僧爲起廢緣知福地占蒲團

味辛自松江歸述菴侍郎珮珊女史俱寄聲存問
并知珮珊能背誦拙詩如瓶瀉水各寄謝一首

十載邊疆踏戰塵歸勤著述泖湖村五官俱廢名心在
二品非榮老學尊湖海論交無輩行文章傳世卽兒孫
衰年我亦頽唐甚能否扁舟一欸門

寄述
卷

騷雅中誰識苦辛正難物色向風塵豈期白首新知已
翻在紅顏絕代人繡出弓衣傳唱遠拂來羅袖愛才真
拙詩背誦如流水多恐汚君點絳唇

寄珮
珊

自遣

魚魚兼取本天慳老去塵緣已盡刪名或可傳聽日後
詩留不盡與人間身隨甌窶上豚蹄祝夢斷周陟豹尾
班獨惜退休三十載不曾絲髮濟時艱

生事

出身草澤躡蓬萊官有腰魚壽背鮐老樹尙期千尺長
名花已到十分開半收芋栗當全熟薄病侵苓壓小災
放翁詩留
病歷災年但使高明憂鬼瞰他年或免食嗟來

余年十九補弟子員今七十有九又屈乙丑院試
之期作重遊泮宮詩記事

佳話爭傳泮水塘一周花甲又芹香阿婆迴憶新婚夕
老將重經舊戰場殘墨尙留題宇柱銛鋒早脫處雖囊
綴行同出人爭看白髮翁攬白面郎

黌門裾屐記前遊又見詵詵出俊流便合膝行觀壁上
漫勞足曳跂壺頭舊痕久掃離巢燕陳迹難追踏磨牛
惟有秀才餘習在一編仍守夜窗幽

一彈指頃盛衰殊曾記初程便棄繻犢是新生寧畏虎
馬今漸老反爲駒房公入寺疑前世波匿觀河認故吾
爲語少年諸譽髦故須及早奮修途

先後同年例可循一般蘭譜誼相親舉場應喚新先輩

鄉飲慚叨舊大賓坡老纔如一場夢劉郎真是再來人也虧頑健能堅耐初地重遊六十春

登太平寺塔

凌虛窄堵覽蒼茫始覺書生眼寸光無弊不成天地大有愁方度古今長長安賢佞三期口

漢書王尊傳

廣武英雄百

戲場待得塵緣看到破老夫才已熟黃梁

出郊

一筇兩屐出郊原極目青圻景色繁待渡馬嘶芳草岸
欲涼人語綠楊邨好風一陣新蒲扇薄酒三升老瓦盆
此卽江鄉好圖畫何須遠訪翟家園

楊誠齋守常州屢游翟家園今遺趾無考

哭時齋侍郎病歿陽穀舟次

兩世師生六十年南歸正好共流連
豈期半路將逢候翻開終身一晤緣
旅櫬料無題湊美夷槃安得伐冰堅

祇應卹典哀榮備猶荷

恩光賁九泉

恩旨照侍郎銜賜卹

書堂燈火最情親回首鴻泥跡已陳
我忝先生翻後死

余長君
十歲

君雖大貴卻長貧支來官俸惟償債
典去朝衣尚

饑賓今日翟公門巷冷指囷高誼屬何人

夜泛

經旬不出避炎曦又是西流大火時
夜路無聲衣自濕秋風有信葉先知
禾豐差補來牟歉夏閏猶嫌穠稷遲